

**«Հայաստանի Հանրապետության կառավարության
2011 թվականի հունվարի 27-ի N 75-Ն որոշման մեջ
փոփոխություններ և լրացումներ կատարելու
մասին»**

ԼԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2022 թվականի N ___ -Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2011 ԹՎԱԿԱՆԻ
ՀՈՒՆՎԱՐԻ 27-Ի N 75-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ
ԿԱՏԱՐԵԼՈՒ ՄԱՍԻՆ**

Ղեկավարվելով «Նորմատիվ իրավական ակտերի մասին» Հայաստանի
Հանրապետության օրենքի 34-րդ հոդվածը՝ Կառավարությունը որոշում է.

1. Հայաստանի Հանրապետության կառավարության 2011 թվականի
հունվարի 27-ի «**Կախված տեղանքի առանձնահատկություններից՝
յուրաքանչյուր ջրավազանային կառավարման տարածքի ջրի որակի
ապահովման նորմերը սահմանելու մասին**» N 75-Ն որոշման (այսուհետ՝
Որոշման) վերնագրում «**ՋՐԻ ՈՐԱԿԻ ԱՊԱՀՈՎՄԱՆ**» բառերը փոխարինել
«**ՄԱԿԵՐԵՎՈՒԹԱՅԻՆ ՋՐԱՅԻՆ ՄԱՐՄԻՆՆԵՐԻ ԿԱՐԳԱՎԻՃԱԿՆԵՐԻ ՈՐԱԿԻ**»
բառերով,
2. Որոշման՝

1) նախաբանում «Համաձայն» բառից հետո լրացնել «Հայաստանի
Հանրապետության ջրային օրենսգրքի 68.1-րդ հոդվածի և» բառերը.

2) 1-ին կետի՝

ա. 1-ին ենթակետը շարադրել հետևյալ խմբագրությամբ.

«Հայաստանի Հանրապետության մակերևութային ջրային մարմինների
կարգավիճակների ջրի որակի նորմերը՝ ըստ հիդրոմորֆոլոգիական տարրերի՝
համաձայն N 1 հավելվածի.» .

բ. 2-րդ ենթակետը շարադրել հետևյալ խմբագրությամբ.

«2) Հայաստանի Հանրապետության մակերևութային ջրային մարմինների կարգավիճակների ջրի որակի նորմերը՝ ըստ ֆիզիկաքիմիական տարրերի՝ համաձայն N 2 հավելվածի.

գ. լրացնել հետևյալ բովանդակությամբ 2.1 ենթակետով.

«2.1) Հայաստանի Հանրապետության մակերևութային ջրային մարմինների կարգավիճակների ջրի որակի նորմերը՝ ըստ կենսաբանական տարրերի՝ համաձայն N 2.1 հավելվածի.» .

դ. 3-25-րդ ենթակետերում հանել «Հայաստանի Հանրապետության մակերևութային ջրերի որակի նորմերը Հայաստանի Հանրապետության տարածքի 14 խոշոր գետային ավազանների գետերի ու գետերի առանձին հատվածների՝» բառերը, իսկ «ջրի որակի նորմերը» բառերից հետո լրացնել «՝ ըստ ֆիզիկաքիմիական տարրերի» բառերով, .

3) 2-րդ կետում «մակերևութային» բառը փոխարինել «մակերևութային ջրային մարմինների կարգավիճակների» բառերով.

4) 3-րդ կետի՝

ա. «բնապահպանության» բառը փոխարինել «շրջակա միջավայրի» բառերով.

բ. 1-ին ենթակետի «ջրերի որակի ապահովման» բառերը փոխարինել «ջրային մարմինների կարգավիճակների ջրի որակի» բառերով.

գ. 2-րդ ենթակետի «մակերևութային ջրերի որակի» բառերը փոխարինել «մակերևութային ջրային մարմինների կարգավիճակների ջրի որակի» բառերով, իսկ «Էկոլոգիական նորմերը՝ ըստ» բառերը՝ «մակերևութային ջրային մարմինների կարգավիճակների ջրի որակի նորմերը՝ ըստ հիդրոմորֆոլոգիական, ֆիզիկաքիմիական, կենսաբանական տարրերի և» բառերով.

3. Որոշմամբ հաստատված N 1 հավելվածը շարադրել նոր խմբագրությամբ՝ համաձայն N 1 հավելվածի:

Հավելված N 1

ՀՀ կառավարության 2023 թվականի

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱԿԵՐԵՎՈՒԹԱՅԻՆ ՋՐԱՅԻՆ ՄԱՐՄԻՆՆԵՐԻ ԿԱՐԳԱՎԻՃԱԿՆԵՐԻ ՋՐԻ ՈՐԱԿԻ ՆՈՐՄԵՐ՝ ԸՍՏ ՀԻԴՐՈՍՈՐՖՈԼՈԳԻԱԿԱՆ ՏԱՐՐԵՐԻ

1. Մակերևութային ջրային մարմինների կարգավիճակը և ջրի որակի նորմերն՝ ըստ հիդրոմորֆոլոգիական տարրերի ներկայացված են աղյուսակ 1-ում:

Աղյուսակ 1

ՄԱԿԵՐԵՎՈՒԹԱՅԻՆ ՋՐԱՅԻՆ ՄԱՐՄԻՆՆԵՐԻ ԿԱՐԳԱՎԻՃԱԿ ԵՎ ՋՐԻ ՈՐԱԿԻ ՆՈՐՄԵՐ՝ ԸՍՏ ՀԻԴՐՈՍՈՐՖՈԼՈԳԻԱԿԱՆ ՏԱՐՐԵՐԻ

Մակերևութային ջրային մարմինների կարգավիճակ

Ջրի որակի նորմերն՝ ըստ հիդրոմորֆ տարրերի

I	գերազանց	1.0 - 1.7
II	լավ	1.8 - 2.5
III	միջակ	2.6 - 3.4
IV	անբավարար	3.5 - 4.2
V	վատ	4.3 - 5.0

2. Ջրի որակն ըստ հիդրոմորֆոլոգիական տարրերի ձևավորվում է հիդրոլոգիական ռեժիմի և հիդրոմորֆոլոգիական տարրերի թվաբանական միջինով:

3. Հիդրոլոգիական ռեժիմի տարրերի գնահատումը ներկայացված է աղյուսակ 2-ում:

Աղյուսակ 2

ՀԻԴՐՈԼՈԳԻԱԿԱՆ ՌԵՇԻՄԻ ՏԱՐՐԵՐԻ ԳՆԱՀԱՏՈՒՄ

№	Հիդրոլոգիական ռեժիմի տարրեր	ՀՈՄ միավորը
1	Միջին հոսք	
2	Սակավաջուր հոսք	
3	Ջրի մակարդակի փոփոխությունը	
4	Հոսքի հաճախակի փոփոխությունները	
	Հիդրոլոգիական ռեժիմի միավորը (ՀՈՄ)	1 - 5

$$\text{ՀՈՄ} = (1 + 2 + 3 + 4)/4$$

4. Հիդրոմորֆոլոգիական տարրերի գնահատումը ներկայացված է աղյուսակ 3-ում:

Աղյուսակ 3

ՀԻԴՐՈՄՈՐՖՈԼՈԳԻԱԿԱՆ ՏԱՐՐԵՐԻ ԳՆԱՀԱՏՈՒՄ

№	Հիդրոմորֆոլոգիական որակի տարրեր	ՀՈՄ միավորը
1	Գետի ձևաբանություն	
2	Գետի հոսքի բնութագրիչներ	
3	Գետափ	
4	Ողողահուն	
	Հիդրոմորֆոլոգիական որակի միավորը (ՀՈՄ)	1 - 5
	ՀՈՄ=(1+2+3+4)/4	
		».

4. Որոշմամբ հաստատված N2 հավելվածի՝

1) վերնագիրը շարադրել հետևյալ խմբագրությամբ.

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱԿԵՐԵՎՈՒԹԱՅԻՆ ՋՐԱՅԻՆ ՄԱՐՄԻՆՆԵՐԻ ԿԱՐԳԱՎԻՃԱԿՆԵՐԻ ՋՐԻ ՈՐԱԿԻ ՆՈՐՄԵՐԸ՝ ԸՍՏ ՖԻԶԻԿԱԶԻՄԻԱԿԱՆ ՏԱՐՐԵՐԻ».

2) աղյուսակի և Որոշմամբ հաստատված NN 3-25-րդ հավելվածներում **«Որակի դաս»** բառերը փոխարինել **«Մակերևութային ջրային մարմինների կարգավիճակ»** բառերով.

5. Որոշումը լրացնել N 2.1 հավելվածով՝ համաձայն N 2 հավելվածի.

Հավելված N 2

ՀՀ կառավարության 2023 թվականի

----- -ի N ----ն որոշման

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱԿԵՐԵՎՈՒԹԱՅԻՆ ՋՐԱՅԻՆ ՄԱՐՄԻՆՆԵՐԻ ԿԱՐԳԱՎԻՃԱԿՆԵՐԻ ՋՐԻ ՈՐԱԿԻ ՆՈՐՄԵՐ՝ ԸՍՏ ԿԵՆՍԱԲԱՆԱԿԱՆ ՏԱՐՐԵՐԻ

1. Մակերևութային ջրային մարմինների կարգավիճակների ջրի որակի նորմերը՝ ըստ կենսաբանական տարրերի գնահատվում է նորմալիզացված էկոլոգիական որակի հարաբերակցության (nEQR - normalized Ecological Quality Ratio) արժեքով:

2. Որպես ինդիկատոր կիրառվում են հատակային

մակրոանողնաշարավորները՝ նմուշառված բազմամիջավայր տեխնիկայով:

3. Մակերևութային ջրային մարմինների կարգավիճակը և ջրի որակի նորմերն՝ ըստ կենսաբանական տարրերի ներկայացված են աղյուսակ 1-ում:

Աղյուսակ 1

ՄԱԿԵՐԵՎՈՒԹԱՅԻՆ ՋՐԱՅԻՆ ՄԱՐՄԻՆՆԵՐԻ ԿԱՐԳԱՎԻՃԱԿ ԵՎ ՋՐԻ ՈՐԱԿԻ
ՆՈՐՄԵՐ՝ ԸՍՏ ԿԵՆՍԱԲԱՆԱԿԱՆ ՏԱՐՐԵՐԻ

Մակերևութային ջրային մարմինների կարգավիճակ		Ջրի որակի նորմեր՝ ըստ կենսաբանական տարրերի
I	գերազանց	>0.8
II	լավ	0.6-0.8
III	միջակ	0.4-0.6
IV	անբավարար	0.2-0.4
V	վատ	<0.2

».

6. Որոշմամբ հաստատված NN 12.1, 12.2, 13, 14, 15 և 16 հավելվածների «Արսեն, ընդհանուր» տողի 2-րդ սյունակի (Որակի դաս, II) «20», «20», «20», «20.6», «20», «20» թվերը փոխարինել «10» թվով.
7. Որոշմամբ հաստատված NN 3, 4, 5, 6, 7, 8, 9, 10, 11, 12, 12.1, 12.2, 13, 14, 15, 16, 17, 18, 19, 20, 21, 22, 23, 24 և 25 հավելվածների «Կապար, ընդհանուր» տողի 2-րդ սյունակի (Որակի դաս, II) «10.66», «10.7», «10.66», «10.9», «10.13», «10.5», «10.3», «10.17», «10.17», «10.1», «10», «10.17», «10.17», «10.18», «10.15», «10.12», «10.14», «10.14», «10.14», «10.14», «11.5», «10.09», «10.1», «10.11», «10.18» թվերը փոխարինել «5» թվով.
8. Որոշմամբ հաստատված NN 3, 4, 5, 6 և 7 հավելվածների «Մանգան, ընդհանուր» տողի 2-րդ սյունակի (Որակի դաս, II) «64», «52», «64», «52», «58» թվերը փոխարինել «50» թվով.
9. Որոշմամբ հաստատված NN 3, 4, 5, 6, 7, 11, 12, 12.2, 13, 14, 15, 16, 17 և 18 հավելվածներ «Երկաթ, ընդհանուր» տողի 2-րդ սյունակի (Որակի դաս, II) «0.5», «0.3», «0.5», «0.3», «0.22», «0.3», «0.42», «0.36» «0.22», «0.24», «0.24», «0.8», «0.4», «0.4» թվերը փոխարինել «0.2» թվով.
10. Որոշմամբ հաստատված NN 3, 4, 5, 6, 7, 8, 11, 12, 12.2, 13, 16 և 20 հավելվածների «Այուրմին, ընդհանուր» տողի 2-րդ սյունակի (Որակի դաս, II) «0.5», «0.5», «0.5», «1.6», «0.5», «0.5», «0.3», «0.28», «0.52», «0.25», «0.25», «0.28» թվերը փոխարինել «0.2» թվով.
11. Սույն որոշումն ուժի մեջ է մտնում 2025 թվականի հունվարի մեկից: